

张建业 主编

李贽全集注

下石

第二十五册 史纲评要注（四）



社会科学文献出版社

SOCIAL SCIENCES ACADEMIC PRESS (CHINA)

张建业 主编

李贽全集注

中石

【第二十五册】

史纲评要注（四）

李勤印 注



社会科学文献出版社

SOCIAL SCIENCES ACADEMIC PRESS (CHINA)

图书在版编目 (CIP) 数据

李贽全集注·史纲评要注. 4/李勤印注. —北京: 社会科学文献出版社, 2010. 5

ISBN 978-7-5097-1183-5

I. ①李… II. ①李… III. ①李贽 (1527 ~ 1602) - 全集 - 注释②史纲评要 - 注释 IV. ①B248. 912

中国版本图书馆 CIP 数据核字 (2010) 第 043288 号

李贽全集注 (第二十五册) · 史纲评要注 (四)

主 编 / 张建业

注 者 / 李勤印

出 版 人 / 谢寿光

总 编 辑 / 邹东涛

出 版 者 / 社会科学文献出版社

地 址 / 北京市西城区北三环中路甲 29 号院 3 号楼华龙大厦

邮政编码 / 100029

网 址 / <http://www.ssap.com.cn>

网站支持 / (010) 59367077

责任部门 / 人文科学图书事业部 (010) 59367215

电子信箱 / bianjibu@ssap.cn

项目经理 / 宋月华

责任编辑 / 柳 宪

责任校对 / 孔 军

责任印制 / 岳 阳 郭 妍 吴 波

总 经 销 / 社会科学文献出版社发行部

(010) 59367080 59367097

经 销 / 各地书店

读者服务 / 读者服务中心 (010) 59367028

排 版 / 北京亿方合创科技发展有限公司

印 刷 / 北京盛通印刷股份有限公司

开 本 / 787mm × 1092mm 1/16

印 张 / 32.25

字 数 / 541 千字

版 次 / 2010 年 5 月第 1 版

印 次 / 2010 年 5 月第 1 次印刷

书 号 / ISBN 978-7-5097-1183-5

定 价 / 7900.00 元 (共二十六册)

本书如有破损、缺页、装订错误,
请与本社读者服务中心联系更换



版权所有 翻印必究

史纲评要注（四） 目录

卷二十八

宋纪 (1)

卷二十九

宋纪 (53)

卷三十

宋纪 (112)

卷三十一

宋纪 (169)

卷三十二

宋纪 (205)

卷三十三

南宋纪附金纪 (268)

卷三十四

南宋纪 (374)

卷三十五

南宋纪 (432)

卷三十六

元纪 (482)

附录

史纲评要序 (511)

史纲评要注（四）卷二十八

宋 纪

宋太宗皇帝^[1]

太平兴国二年^[2]

帝思振淹滞^[3]，好念头。谓侍臣曰：“朕欲博求俊彦于科场中^[4]，非敢望拔十得五，止得一二，亦可谓致治之具矣^[5]。”及亲试，举人吕蒙正等五百人并赐及第出身^[6]。初，太祖幸洛，布衣张齐贤献策^[7]，条陈十事，内四说称旨，齐贤坚执以为皆善，太祖怒，令曳出之。及还，语帝曰^[8]：“我幸西都，唯得一张齐贤耳，我不欲官之^[9]，他日可使辅汝为相也。”至是，齐贤亦在选中，有司失于抡择，置下第^[10]，好有司。帝不悦，故一榜尽赐及第。

太祖之留齐贤以相太宗^[11]，是何爱弟之至也！而陶铸齐贤亦甚善矣^[12]。盖坚执以为皆善，客气未化^[13]，故复抑之，以平其气耳。

三年

吴越王钱俶以其地归，封俶为淮海王。

以孔宜袭封文宣公，复其家^[14]。

是。

立崇文院^[15]。

是。

四年

命潘美帅师伐汉。辽遣兵救汉，帝自至督战，城无完堞，汉兵出降。

帝发太原，遂伐辽，辽将多降。耶律休哥兵适至^[16]，复战，帝大败，乘驴车走免而还，自是辽好遂绝。

不及太祖多矣。

皇子德昭从帝攻太原，军中尝夜惊，不知帝所在，有谋立德昭者，会知帝处乃止^[17]，帝闻，不悦。及还汴，故久不行太原之赏，何猜忌至此？德昭以为言，帝大怒，曰：“待汝自为之^[18]，赏未晚也。”是何器度？德昭退而自刎。痴。帝闻之，惊悔，往抱其尸，大哭曰：“痴儿，何至此耶！”情真。追封魏王。

太宗绝忌^[19]，皇子绝痴。

辽主围瓦桥关^[20]，帝自将御之，败绩，会辽主引去。帝还，议者皆言宜速取幽、蓟，张齐贤上疏曰：“圣人举事，动在万全，百战百胜，不若不战而胜。”又曰：“家六合者^[21]，以天下为心。圣人先本而后末，安内以养外，五帝、三王，未有不先根本者也。尧、舜之道无他，广推恩于天下之民耳。”

真不负太祖作养盛意^[22]。

六年

皇子兴元尹德芳卒^[23]。

以田锡为左拾遗^[24]。锡好言时务，上疏言军国要机者一，朝廷大体者四。大略以议平汉之功，驾馭戎臣为要机^[25]。而大体之一，乞修德以来远^[26]，宜罢交州之师^[27]。其二，言谏官不闻廷争，给事中不闻封驳^[28]，左右史不闻升降纪言动等事^[29]。其三，言辟西苑，广御地^[30]，而尚书令郎曹、九寺、三监并无专署^[31]，殊非太平制度。其四，言按狱官枷杻、钳锁皆有定式^[32]，未闻以铁为枷。疏入，优诏褒答，赐钱五十万。圣主。或谓锡宜少晦^[33]，以远谗忌，乡原^[34]。锡曰：“事君之诚，唯恐不竭，矧天植其性^[35]，岂以一赏可夺耶！”

田锡大通。

七年

贬秦王廷美为西京留守^[36]。初，昭宪太后遗命太祖传位于帝，帝传廷

美以及德昭，及德昭不得其死，德芳相继夭没，廷美始不自安，柴禹锡因上变以摇之^[37]。小人。帝意不决，召赵普，语及太后遗旨，普对曰：“太祖已误，陛下岂容再误？”廷美遂得罪。

普之言极是，但廷美何以遂得罪？

定难留后李继捧来归银、夏、绥、宥之地^[38]。四州既归，中国疆土几复汉唐之旧。

赵普又以廷美居西京非便，讽知开封府李符上言廷美怨望^[39]，诏贬为涪陵县公^[40]，房州安置^[41]。

普至此则恶矣。

定难都知蕃落使李继迁入于地斤泽以叛^[42]。

辽主贤卒^[43]，子隆绪立^[44]。

八年

以王显为枢密使^[45]。帝语之曰：“卿家世本儒，少遭兵乱，失学，今典机务，无暇博览群书，能熟读《军戒》三篇，亦可免于面墙^[46]。”因取赐之。

辽复国号曰契丹。

赵普罢为武胜军节度使^[47]，帝作诗饯之，普奉诗泣，帝为动容。翌日，帝语宰相宋琪^[48]，对曰：“昨日普执御诗涕泣，今复闻宣谕，君臣始终可为两全矣。”

君臣始终可为两全之语，极中二人膏肓。

以宋琪、李昉平章事^[49]，李穆、吕蒙正、李至参知政事^[50]，张齐贤、王沔同签署枢密院事^[51]。蒙正初入朝堂，有朝士指之曰：“此子亦参政耶！”蒙正阳为不闻而过之。妙。同列不能平，诘其姓名，蒙正遽止之，曰：“若一知其姓名，则终身不能忘，真情实话。不若弗知之为愈也^[52]。”亦名言也。时人服其量。

蒙正真宰相。

诏史馆修《太平御览》一千卷^[53]，日进三卷，宋琪以劳瘁为谏，帝曰：“开卷有益，不为劳也。”真。

廷美卒于房州，进封涪王。

以杨延庆等为知州^[54]。帝谓宰相曰：“刺史之任，最为亲民，苟非其

人^[55]，民受其祸。”

千古至言。

华山陈抟入朝，帝命宋琪等问玄默修养之道^[56]，抟谓：“今圣上龙颜秀异，有天人之表^[57]。博达古今，深究治乱，真有道仁圣之主也。正君臣协心同德兴化之秋^[58]，勤行修炼，无出于此。”此老必滑。琪等以其语白帝，赐号希夷先生，放还华山，寻卒。

从来方士无不滑者，从来至人亦无不滑者^[59]。

二年^[60]

李继迁袭银州，据之。

四月，宴群臣于后苑，帝谓之曰：“春风暄和，万物畅茂，四方无事，朕以天下之乐为乐，宜令侍从词臣赋诗赏花。”曲宴赋诗自此始^[61]。

实以德昭、廷美既死为乐耳^[62]。

三年

以曹彬、米信、潘美等帅师伐契丹^[63]。时贺怀浦与其子令图好论边事^[64]，上言：“契丹主少，母后专政，宠幸用事，请乘衅以取燕、蓟^[65]。”帝然之，故有是命。及诸将陛辞，帝命美但先趣云、朔^[66]，彬等宜持重缓行。及彬等乘胜而前，次涿郡，耶律休哥率精锐设伏，绝宋粮道，彬以食尽，退雄州援饷，引师缘白沟河与信会^[67]，休哥以轻兵薄宋师^[68]，因出大兵逆战岐沟关^[69]，宋师败绩，死者过半，帝召还。初，议兴兵，独与枢密院计，中书不预闻，及败，帝谓枢密使王显、张齐贤曰：“卿等共视，朕自今复作如此事否！”显等咸愧惧，若无所容。

胜负兵家之常，何必冤三赖四。

初，杨业为代州刺史^[70]，号杨无敌。至是，及契丹耶律斜轸战于陈家谷^[71]，败绩，死之。

有无敌之名，便宜败绩矣^[72]。

上访近臣可知代州者，张齐贤请行，乃命知代州。齐贤遣使期潘美以并师来会战^[73]，使为契丹所执。俄而美使至，云：“师出至柏井^[74]，得密诏，不许出战，已还州矣。”齐贤曰：“敌知美之来，而不知美之退。”乃

夜发兵二百，人持一帜，负一束藁^[75]，距州西南三十里列帜燃藁。契丹兵遥见火光中有旗帜，意为并师至^[76]，骇而北走，齐贤先伏步卒二千于土镫寨^[77]，掩击，大破之，斩获无算^[78]。

有识，有才，有胆。

端拱元年^[79]

李昉罢。昉和厚多恕，在位小心醇谨。每有求进用者，虽知其材可取，必正色绝之^[80]。已而擢用^[81]，或不足用^[82]，必和颜温语待之。子弟问其故，昉曰：“用贤，人主之事，若受其请，是市私恩也^[83]，故峻绝之。若不用者，既失所望，又无善辞，取怨之道也。”

可师。

以赵普为太保兼侍中^[84]，吕蒙正平章事^[85]。蒙正以正道自持，遇事敢言，每论时政，有未允者，必固称不可，帝嘉其无隐，普亦雅重之。

人亦知普复为太保之故乎？

赐李继捧姓名曰赵保忠，复以为定难军节度使。时继迁侵扰日甚，赵普为请，故有是命。

都是奸计。

二年

四月，不雨。五月，遣使决狱于诸州^[86]，是夕雨。

好雨。

作开宝寺塔^[87]，藏佛舍利^[88]，费亿万计，逾八年始成。知制诰田锡上疏云：“众谓金碧荧煌，臣以为涂膏衅血^[89]。”

直言。

朝廷遣李继隆发镇、定兵万余^[90]，护送粮饷趋威武^[91]，耶律休哥闻之，帅精骑数万邀诸途。北面缘边都巡检使尹继伦适领兵徼巡^[92]，路遇之，休哥不顾而南，继伦曰：“寇蔑视我耳。”乃秣马^[93]，俟夜，人持短兵，潜蹶其后^[94]。至徐河^[95]，天未明，休哥军会食讫^[96]，将战，继隆方阵前^[97]，继伦从后急击，杀契丹一大将，众皆惊溃。休哥为短兵中其臂，遁去。契丹为之夺气，平居相戒曰：“当避黑面大王^[98]。”自是边兵少息。

才知有黑面大王。

淳化元年^[99]

诏贷江州义门陈兢粟^[100]。自陈崇，历数世，未尝分异^[101]，长幼凡七
百口，人无间言^[102]，唐僖宗及南唐皆旌其门。宋兴州上其事，诏免其徭
役。至兢之世，子孙益众，苦乏食，诏每岁贷粟二千石。

太宗一弟两侄俱死矣，故有余粟及陈兢子孙耳。

契丹封李继迁为夏国王。

二年

以寇准为枢密副使^[103]。初，准为直学士，尝奏事殿中，语不合，帝
怒，起，准辄引帝衣，请复坐，事决乃退。帝嘉之，曰：“朕得寇准，犹
文皇之得魏徵也^[104]。”及旱蝗，帝召近臣问得失，众皆以天数对，妙。准
独谓刑政不平所致^[105]。帝问不平状，准请召二府至言之^[106]。二府至，准
言曰：“顷者祖吉、王淮皆侮法受财^[107]，吉赃少，乃伏诛，淮以参政沔
弟，盗财至千万，止杖，又复其官，非不平而何？”（眉批：直而婉，婉而
直。）帝以问沔，沔顿首谢^[108]，于是以准为可大任，故有是命。圣主。

李继迁降，诏以为银州观察使，赐姓名赵保吉。赵保忠降于契丹，复
姓名曰李继捧。

难兄难弟。

三年

置常平仓于京师^[109]。

赵普卒^[110]，帝闻之震悼，谓近臣曰：“普能断大事，尽忠国家，真社
稷臣也。”（眉批：陛下岂容再误，所云能断大事耶？固知二人有首尾也。）
普少习吏事，寡学术，太祖劝读书，遂手不释卷。每归私第，阖户，启篋
取书，读之竟日。及卒，家人发篋视之，则《论语》也。普尝谓帝曰：
“臣有《论语》一部，以半部佐太祖定天下，以半部佐陛下治太平。”胡说。
卒，谥忠献，封韩王。

但不知“惟孝友于兄弟”一句如何解^[111]？

征终南隐士种放^[112]，不至。放被征，其母恚曰：“常劝汝勿聚徒讲学，果为人知，不得安处。”遂称疾不起。

圣母，吾愿为之子，所甘心也。○今世仍有聚徒讲学而人不知者，又似种母过虑矣。

四年

以张洎、钱若水为翰林学士^[113]。帝谓侍臣曰：“学士之职，清要贵重，非他官可比。”又曰：“士学古入官，遭时得位，纡朱拖紫为荣^[114]，不可不竭诚以报国。”若水对曰：“高尚之士，固不以名位为光宠。忠正之士，亦不以穷达易志操^[115]。其或以爵禄荣遇之故而效忠于上，中人以下者之所为也。”（眉批：抢白得好！）帝然之。

自是正论。

五年

宦者王继恩帅师讨平蜀乱^[116]，中书欲除继恩宣徽使，帝曰：“朕读前代史，不欲令宦官预政事，宣徽使，执政之渐也^[117]，可授他官。”圣主。于是以继恩为宣政使，以张咏知益州^[118]。时继恩、上官正等讨贼渐有成功^[119]，顿师不进^[120]，专务饮博。咏至，具饯举爵^[121]，激正等曰：“尔曹蒙国厚恩，无以塞责，此行当直抵寇垒，平荡丑类。若老师旷日^[122]，即此地还为尔死所矣。”正由是决行^[123]，深入，大致克捷。

帝在位久，储贰未立。寇准自凤翔召还，入见，帝曰：“朕诸子孰可付神器者^[124]？”准对曰：“陛下为天下择君，谋及妇人、中官，不可也，谋及近臣，不可也，至言。唯陛下择所以副天下望者^[125]。”帝曰：“元侃可乎^[126]？”准曰：“知子莫若父，愿即决定^[127]。”遂以元侃为开封尹，封寿王，以寇准参知政事^[128]。

如寇公，方可谓能断大事，若赵普，一团私心耳。

至道元年^[129]

吕蒙正罢。蒙正在中书，帝常欲遣人使朔方，蒙正以名上^[130]，帝不

许。他日三问，蒙正三以其人对，帝曰：“卿何执耶^[131]？”对曰：“臣非执，盖陛下未谅耳^[132]。臣不欲用媚道，妄随人主意，以害国事。”真。帝卒用其人^[133]，果称职。

以吕端平章事^[134]。初，帝欲相端^[135]，或曰：“端为人糊涂。”帝曰：“端小事糊涂，大事不糊涂。”知己。决意用之。端居位，持重，识大体，以清简为务，帝手札谕：“中书事必经端参酌，乃得闻奏。”

今人只为小事不糊涂耳。

开宝皇后宋氏崩，群臣不成服^[136]，翰林学士王禹偁言^[137]：“后尝母仪天下^[138]，当遵用旧礼。”坐谤讟，责知滁州^[139]。

所云共保富贵何在耶？

立寿王元侃为皇太子，更名恒。太子庙见还宫，京师民拥道喜跃，曰：“少年天子也。”帝闻之不怿，又忌其子矣。寇准再拜贺曰：“此社稷之福也。”帝悟，延准饮^[140]，极醉而罢。以尚书左丞李至、吏部侍郎李沆并兼太子宾客^[141]，诏太子事以师傅之礼。

异哉，太宗之为人也！既忌其侄，复忌其弟，今又忌及其子，何也？倘非寇公调停其间，安知自刎之祸不再见耶？

二年

以李昌龄参知政事^[142]。

三年

三月，帝崩^[143]。

皇太子恒即位。初，帝不豫，宣政使王继恩忌太子英明，阴通参政事李昌龄、殿前都指挥使李继勋等谋立故太子楚王元佐^[144]，宰相吕端问疾禁中，见太子不在旁，疑有变，乃以笏书大渐字，令亲密吏促太子入侍。及帝崩，皇后令继恩召端^[145]，议所立，端知有变，即给继恩入书阁^[146]，锁守之，亟入宫^[147]。后问端：“立嗣以长如何？”端曰：“先帝立太子，正为今日，今始弃天下，岂可遽违命、有异议耶？”后默然。乃奉太子即位。太子既立，垂帘引见群臣，端平立殿下，不拜，请卷帘，升殿审视，然后降阶，率群臣拜焉。

所云糊涂者如此耶？

陈桥之谋，实光义、赵普所为，杜太后临终传位之语，亦义与普阴谋之，故其君臣始终各不能负云耳。独恨负太祖为甚，今日如何相见子地下也耶？深为光义危之矣。若太祖，真豁达大度之圣主也。

注释

〔1〕太宗：赵光义死后，其庙号为太宗。

〔2〕太平兴国二年：即公元977年。

〔3〕振：振救，任用。淹滞：指沉沦于下而不得仕进的士人。

〔4〕俊彦：指才智过人之士。

〔5〕具：才具。按，《续资治通鉴·宋纪》：“帝初即位，以疆宇至远，吏员益众，思广振淹滞，以资其阙，顾谓侍臣曰：‘朕欲博求俊义于科场中，非敢望拔十得五，止得一二，亦可为致治之具矣。’先是，诸道所发贡士，凡五千三百余人，命太子中允直舍人院张洎、右补阙石熙载试进士，左赞善大夫侯陶等试诸科，户部郎中侯陟监之。熙载，洛阳人也。于是礼部上所试合格人名。戊辰，帝御讲武殿，内出诗赋题，复试进士，命翰林学士李昉、扈蒙，定其优劣为三等，得河南吕蒙正以下一百九人。庚午，复试诸科，得二百七人，赐及第。又诏礼部阅贡籍，得十五举以上进士及诸科一百八十四人，并赐出身。九经七人不中格，帝怜其老，特赐同三传出身。凡五百人，皆先赐绿袍靴笏，锡宴开宝寺，帝自为诗二章赐之。第一等、第二等进士，并九经，授将作监丞、大理评事，通判诸州，同出身进士及诸科，并送吏部免试，优等注拟。宠章殊异，前代所未有也。薛居正等言取人太多，用人多骤，帝意方欲兴文教，抑武事，弗听。及蒙正等辞，召令升殿，谕之曰：‘到治所，事有不便于民者，疾置以闻。’仍赐装钱二十万。”

〔6〕吕蒙正：字圣功，河南洛阳人。太平兴国二年擢进士第一，授将作监丞，通判升州。代还，会征太原，召见行在，授著作郎、直史馆，加左拾遗。五年，亲拜左补阙，知制造。未几，迁都官郎中，入为翰林学士，擢左谏议大夫、参知政事。李昉罢相，拜中书侍郎兼户部尚书、平章事，监修国史。淳化中，以妻族宋沆忤旨，坐罢为吏部尚书，旋复以本官入相。至道初，以右仆射出判河南府兼西京留守。真宗即位，进左仆射。咸平四年，以本官同平章事、昭文馆大学士。六年，授太子太师，封莱国公，改封徐、许。事见《宋史·吕蒙正列传》。及第出身：宋代称中殿试者为及第出身。按，《宋史·选举志》：“宋初承唐制，贡举虽广，而莫重于进士、制科，其次则三学选补。”又，“初，礼部贡举，设进士、《九经》、《五经》、《开元礼》、《三史》、《三礼》、《三传》、学究、明经、明法等科，皆秋取解，冬集礼部，春考试。合格及第者，列名放榜于尚书省。凡进士，试诗、赋、论各一首，策五道，帖《论语》十帖，

对《春秋》或《礼记》墨义十条。凡《九经》，帖书一百二十帖，对墨义六十条。凡《五经》，帖书八十帖，对墨义五十条。凡《三礼》，对墨义九十条。凡《三传》，一百一十条。凡《开元礼》，凡《三史》，各对三百条。凡学究，《毛诗》对墨义五十条，《论语》十条，《尔雅》、《孝经》共十条，《周易》、《尚书》各二十五条。凡明法，对律令四十条，兼经并同《毛诗》之制。”又，“（开宝）五年，礼部奏合格进士、诸科凡二十八人，上亲召对讲武殿，而不及引试也。明年，翰林学士李昉知贡举，取宋准以下十一人，而进士武济川、《三传》刘睿材质最陋，对问失次，上黜之。济川，妨乡人也。会有诉昉用情取舍，帝乃籍终场下第人姓名，得三百六十人，皆召见，择其一百九十五人，并准以下，乃御殿给纸笔，别试诗赋。命殿中侍御史李莹等为考官，得进士二十六人，《五经》四人，《开元礼》七人，《三礼》三十八人，《三传》二十六人，《三史》三人，学究十八人，明法五人，皆赐及第，又赐钱二十万以张宴会。昉等寻皆坐责。殿试遂为常制。帝尝语近臣曰：‘昔者，科名多为势家所取，朕亲临试，尽革其弊矣。’八年，亲试进士王式等，乃定王嗣宗第一，王式第四。自是御试与省试名次，始有升降之别。”

〔7〕张齐贤：曹州冤句（今山东曹县西北）人。孤贫力学，有远志，慕唐李大亮之为人，故字师亮。太平兴国初及第，以大理评事通判衡州。四年，代还，上谒，迁秘书丞。改著作佐郎，直史馆，改左拾遗。六年，为江南西路转运副使，改右补阙，加正使。召还，拜枢密直学士，擢右谏议大夫、签书枢密院事。雍熙初，迁左谏议大夫，又以给事中知代州，与部署潘美同领缘边兵马。历工部侍郎、领河东制置方田都部署、刑部侍郎、枢密副使。淳化二年，参知政事，数月，拜吏部侍郎、同中书门下平章事。四年，罢为尚书左丞，知定州。历礼部尚书、知河南府、襄、荆南、安州知州。真宗时再度入相，以司徒致仕。事见《宋史·张齐贤列传》。

〔8〕帝：指太宗。

〔9〕官之：给他官做。

〔10〕下第：下等。

〔11〕相：辅佐。

〔12〕陶铸：烧制瓦器和熔铸金属。以喻造就培育人才。

〔13〕客气：虚骄之气。

〔14〕复：免除徭役。

〔15〕崇文院：按，《续资治通鉴·宋纪》三年春正月：“建隆初，三馆（指昭文馆、史馆、集贤馆）所藏书仅一万二千余卷，及平诸国，尽收其图籍，惟蜀、江南为多，凡得蜀书一万三千卷，江南书二万余卷。又下诏开献书之路，于是三馆篇帙大备。帝临幸三馆，恶其湫隘，顾左右曰：‘此岂可蓄天下图籍，延四方贤俊邪？’即诏有司度左升龙门东北，别建三馆，其制皆亲所规画，轮奐壮丽，甲于内庭。二月丙辰朔，赐名崇文院，尽迁旧馆书以实之，正副本凡八万卷。”

〔16〕耶律休哥：字逊宁。按，《辽史·耶律休哥传》：“乾亨元年，宋侵燕，北院大王奚底统军使萧讨古等败绩，南京被围，帝（指辽景宗耶律贤）命休哥代奚底将五院军往救，遇大敌于高粱河，与耶律斜轸分左右翼击败之，追杀三十余里，斩首万余级，休哥被三创。明旦，宋主遁去，休哥以创不能骑，轻车追至涿州，不及而还。”后总南面戍兵，为北院大王。辽圣宗即位，继续总南面军务，可便宜从事。与杨继业、曹彬战，封宋国王。太后南征，为先锋。

〔17〕会：适逢。

〔18〕待汝自为之：等你做了皇帝。

〔19〕绝：极，最，甚。

〔20〕瓦桥关：唐置，即今河北雄县。五代晋地入契丹，周显德六年收复，建为雄州。与益津关、淤口关合称三关。

〔21〕家六合者：以六合为家者，指统治天下的人。六合，天地四方。

〔22〕作养：培养。

〔23〕兴元：府名。唐兴元元年改梁州置，治所在南郑县（今陕西汉中市东）。按，杜太后遗诏匡胤传光义，光义传光美，光美传德昭，德昭既自刎，其弟德芳理当嗣位。此处特冠以“皇子”二字，同德昭前加此二字一样，皆加意强调之。

〔24〕田锡：字表圣，嘉州洪雅（今四川洪雅县）人。太平兴国三年，进士高等，释褐将作监丞，通判宣州。迁著作郎、京西北路转运判官，改左拾遗、直史馆。按，《宋史·田锡列传》：“锡好言时务，既居谏官，即上疏献军国要机者一，朝廷大体者四。其略曰：顷岁王师平太原，未赏军功，迄今二载。幽燕窃据，固当用兵，虽稟宸谋，必资武力。愿陛下因郊禋、耕籍之礼，议平戡之功，则驾馭戎臣，莫兹为重，此要机也。今交州未下，战士无功，《春秋》所谓‘老师费财’者是也。臣闻圣人不务广疆土，惟务广德业，声教远被，自当来宾。周成王时，越裳九译来贡，且曰：‘天无迅风疾雨，海不扬波三年矣。意者中国其有圣人乎？盍往朝之。’交州瘴海，得之如获石田。臣愿陛下务修德以来远，无钝兵以挫锐，又何必以蕞尔蛮夷，上劳震怒乎？此大体之一也。今谏官不闻廷争，给事中不闻封驳，左右史不闻升降轩、记言动，岂圣朝美事乎？又御史不敢弹奏，中书舍人未尝访以政事，集贤院虽有书籍而无职官，秘书省虽有职官而无图籍。臣愿陛下择才任人，使各司其局，苟职业修举，则威仪自严。此大体之二也。尔者寓县平宁，京师富庶。军营马监，靡不恢崇；佛寺道宫，悉皆轮奂。加又辟西苑，广御池，虽周之灵囿，汉之昆明，未足为比。而尚书省湫隘尤甚，郎曹无本局，尚书无所事。九寺三监，寓天街之两廊，贡院就武成王庙，是岂太平之制度邪？臣愿陛下别修佛寺，用列职官。此大体之三也。案狱官令，枷杻有短长，钳锁有轻重，尺寸斤两，并载刑书，未闻以铁为枷者也。昔唐太宗观《明堂图》，见人之五藏皆丽于背，遂减徒刑。况隆平之时，将措刑不用，于法所无，去之可矣。此大体之四也。”后历河北转运副使、相州知州、右补阙、起居舍人、知制诰、直集贤院。真

宗嗣位，历右谏议大夫、史馆修撰。所至，多有书奏，得古争臣之体。

〔25〕戎臣：武将。

〔26〕乞：请。 来：招致。

〔27〕交州：唐代属安南都护府，治所在今越南河内。按，五代至宋初，交州先后被当地土豪和节镇所占据。乾德初，部内大乱，土人推丁部领为交州帅，号曰大胜王，署其子琬为节度使。及琬嗣位，遂上表内附，朝廷拜之为检校太师充静海军节度使、安南都护。开宝八年，又授开府仪同三司、检校太师，封交趾郡王。太宗即位，琬弟璿嗣立，其大将黎桓擅权树党，幽禁璿于别馆，代总其众。太平兴国五年，朝廷发兵讨之，诸军冒炎瘴，人多死者，转运使侯仁宝亦歿于阵。至雍熙、端拱以后，朝廷迫于无奈，遂授黎桓安南都护充静海军节度使，进封交趾郡王。事见《宋史·外国列传》。

〔28〕给事中：官名。属门下省。《宋史·职官志》：“给事中，四人，分治六房，掌读中外出纳，及判后省之事。若政令有失当，除授非其人，则论奏而驳正之。凡章奏，日录目以进，考其稽违而纠治之。故事，诏旨皆付银台司封驳。官制行，给事中始正其职，而封驳司归门下。” 封驳：认为诏敕不当，封还或加以驳正。

〔29〕左右史：古代史官。左史记言，右史记事。《宋史·职官志》：“起居郎，一人，掌记天子言动。御殿则侍立，行幸则从，大朝会则与起居舍人对立于殿下螭首之侧。凡朝廷命令赦宥、礼乐法度损益因革、赏罚劝惩、群臣进对、文武臣除授及祭祀宴享、临幸引见之事，四时气候、四方符瑞、户口增减、州县废置，皆书以授著作官。”起居郎，隶门下省。又，“起居舍人，一人，掌同门下省起居郎。侍立修注官，元丰前，以起居郎、舍人寄禄，而更命他官领其事，谓之同修起居注。”起居舍人，则隶属于中书省。 陞：宫殿台阶。

〔30〕御地：《宋史·田锡列传》作“御池”。《续资治通鉴·宋纪》亦作“御池”。

〔31〕尚书令：官名，尚书省的长官。《宋史·职官志》：“令，掌佐天子议大政，奉所出命令而行之。其属有六曹，凡庶务皆会而决之。凡官府之纪纲程式，无不总焉。大事三省通议，则同执政官合班；小事则尚书省独议，则同仆射、丞分班论奏。若事由中书、门下而有失当应奏者，亦如之。与三师、三公、侍中、中书令俱以册拜。自建隆以来不除，惟亲王元佐、元俨以使相兼领，不与政事。政和二年，诏：‘尚书令，太宗皇帝曾任，今宰相之官已多，不须置。’然是时说者以谓为令者唐太宗也，熙陵未尝任此，盖时相蔡京不学之过。宣和七年，诏复置令，亦虚设其名，无有除者。南渡后，并省不置。”按，据此，则尚书令之职，于宋初并未实设。《宋史·田锡列传》及《续资治通鉴》并作“尚书”而非“尚书令”。是。 郎曹：指尚书省所属六曹（六部）所设官吏，如郎中、员外郎等。 九寺三监：北齐以后，以太常寺、光禄寺、卫尉寺、宗正寺、太仆寺、大理寺、鸿胪寺、司农寺、太府寺为九寺，历代沿用。三

监，则指国子监、少府监、将作监。 专署：专门的办公地方。

〔32〕按狱：审狱。

〔33〕少晦：稍加韬晦。

〔34〕乡原：外博谨愿之名，实与流俗合污的伪善者。《论语·阳货》：“乡原，德之贼也。”

〔35〕矧（shěn）：况且，何况。 植：种，树，生。

〔36〕贬秦王廷美：按，《续资治通鉴·宋纪》六年：“帝之始即位也，命廷美尹开封，德昭、德恭（德芳）并称皇子，外议皆谓帝将以次传位。及德昭不得其死，德芳继夭，廷美始不自安。它日帝尝以传国意访之普，普曰：‘太祖已误，陛下岂容再误邪！’普复入相，廷美遂得罪。凡廷美所以得罪，则普之为也。”《考异》：“《建隆遗事》所载杜太后顾命，李焘谓其言多鄙近，已驳正之矣。然仍于赵普复位兼载太后传位之意，是疑未能定矣。以事理度之，金匱誓书非外人所得见，太宗甫即位，而即以廷美尹京，用以代己，当时外廷揣度，必有兄弟迭传大位之说，太宗当有所闻，故以问赵普也。廷美之阴谋事无左证，特以地处危疑，为众人所瞩目。太宗已怀猜忌，普复从而媒孽之，故祸不旋踵耳。今就《长编》删正。”

〔37〕柴禹锡：字玄圭，大名（今河北大名县东北）人。太平兴国初，授供奉官。三年，改翰林副使，迁如京使，仍掌翰林司。历宣徽北院使，告秦王廷美阴谋，擢枢密副使，转南院使。雍熙中，以骁卫大将军出知沧州，历涪州观察、潞州知州、永兴军知府，再召为宣徽北院使、知枢密院事。至道初，授镇宁军节度、知泾州。真宗即位，移知贝州、陕州。事见《宋史·柴禹锡列传》。按，《宋史·宗室列传》：“七年三月，或告秦王廷美骄恣，将有阴谋窃发。上不忍暴其事，遂罢廷美开封尹，授西京留守，赐裘衣、通犀带，钱千万缗，绢、彩各万匹，银万两，西京甲第一区。诏枢密使曹彬伐廷美于琼林苑。以太常博士王通判河南府事，开封府判官阎矩判留守事。以如京使柴禹锡为宣徽北院使兼枢密副使，杨守一为东上阁门使充枢密都承旨，赏其告廷美阴谋功也。左卫将军、枢密承旨陈从龙为左卫将军，皇城使刘知信为右卫将军，弓箭库使惠延真为商州长史，禁军列校皇甫继明责为汝州马步军都指挥使，定人王荣为濮州教练使，皆坐交通廷美及受其燕犒也。荣未行，或又告荣尝与廷美亲吏狂言：‘我不久当得节帅。’坐削籍，流海岛。会赵普再相，廉得卢多逊与廷美交通事上闻。上怒，责授多逊兵部尚书，下御史狱。捕系中书守当官赵白、秦府孔目官阎密、小吏王继勋、樊德明、赵怀禄、阎怀忠等，命翰林学士承旨李昉、学士扈蒙、卫尉卿崔仁冀、膳部郎中兼御史知杂滕中正杂治之。多逊自言：累遣赵白以中书机事密告廷美。去年九月中，又令赵白言于廷美云：‘愿官车晏驾，尽力事大王。’廷美遣樊德明报多逊云：‘承旨言正会我意，我亦愿官车早晏驾。’私遗多逊弓箭等，多逊受之。阎密初给事廷美，上即位，补殿直，仍隶秦王府，恣横不法，言多指斥。王继勋尤为廷美亲信，尝使求访声妓，怙势取货，赃污狼藉。樊德明素与赵白游处，多逊因之以结廷美。廷美